

普賢菩薩行願 品

唐 罽 賓 國三藏 般若 奉 詔 譯

爾 時 ,普賢菩薩摩 訶薩稱歎如來勝功德已,告諸菩薩及善財言:「善男子 į 如 來 功 德 假 使 十方

切 諸

佛

經

不可說

不可

說

佛

剎

極

微

塵

數

劫

相

續

演

說

,

不

可

窮盡

0

若欲成就

此

功德門

應修十二

種

廣

大 行 願 0 何 等為十?一 者 , 禮 敬 諸 佛 二者 稱 讚 如 來 三者 , 廣 修 供 養 0 四 者 懺 悔 業 障 五 者 ,

隨 喜 功 德 六 者 請 轉 法 輪 セ 者 請 佛 住 世世 八 者 常 隨 佛 學 九 者 恆 順 眾 生。 十 者 普皆 迴 向

0

界虚空界十 善 財 白 言:「 方三世 大聖 ! 云 切 何 佛 禮敬 剎 • 極 乃至迴向?」普賢菩薩告善 微 塵數 諸 佛 世尊 , 我 以 普賢行 財言:「 願 力 善 故 男子 , 深 !言禮 ジ 信 解 敬諸 , 如 對 佛 者 目 前 所 悉 有 以 盡 清 法

淨 身語 意業 常 修 禮 敬 佛 所 皆 現 不 可 說 不 可 說 佛 剎 極 微 塵 數 身 身 徧 禮 不 可 說 不 可 說 佛

剎 極 微 塵 數 佛 0 虚 空界 盡 我 禮 乃 盡 以 虚空界 不 可 盡 故 我 此 禮 敬 無 有 窮 盡 0 如 是 乃 至 一眾 生界 盡

眾 生業盡 、眾生煩惱盡 我 禮 乃盡 0 而 眾生界乃至煩惱無有盡故 , 我 此禮敬 無有窮盡 念念相續 無

有 間 斷 , 身 語 意業 , 無 有 疲 厭

天 女微 切 世 復 間 妙 次 舌 極 善 根 微 男子 塵 數 佛 ! 言 舌 , 根 稱 讚 佛 出 如 無 來 所 盡 , 者 一音聲 皆 有菩 所 有 海 薩 盡 海 法 界 會 音聲 虚 韋 空界十 繞 0 出 我 當悉 方 三 切 以 世 甚 辭 深 海 切 勝 剎 稱 解 土 揚 , ` 現 所 讚 前 有 歎 極 知 _ 見 微 切 , 如 各 來 以 塵 諸 出 中 功 過 德 皆 辩 海 才 有

,

,

,

,

言

,

0

讚 窮 未 乃 盡 來 際 0 而 , 虚 相 空 續 界 不 乃 斷 至 , 盡 煩 於 惱 無 法 界 有 盡 , 無 故 不 , 周 我 徧 此 讚 0 歎 如 是 無 有窮盡 虚 空界盡 念念 ` 眾 相 生 界 續 盡 , 無 眾 有 間 生 斷 業 盡 , 身 眾 語 意 生 業 煩 惱 無 盡 有 , 我 疲

厭

世

界

極

微

塵

數

佛

,

佛

所

,

種

種

菩

薩

海

會

圍

繞

0

我

以

普

賢

行

願

力

故

,

起

深

信

解

,

現

前

知

見

,

悉

以

上

復 次 善 男子! ·言廣修 供 養者 , 所 有 盡 法 界虚空界十方三 世 _ 切 佛 剎 , 極 微 塵 中 各有 切

妙 諸 供 養 具 , 而 為 供 養 0 所 謂 華 雲 鬘 雲 天 音 樂 雲、 天 傘蓋雲 天 衣 服 雲 , 天 種 種 香 塗 香 燒 香

末 · 香 如 是等 雲 , 量 如 須 彌 山 王 0 然 種 種 燈 , 酥 燈 油 燈 • 諸 香 油 燈 燈 炷 如 須 彌 山

羅 善 諸 利 燈 男子 佛 分 油 益 眾 故 眾 如 算分 大 ! 生 0 若 海 供 如 盡 諸 前 養 水 菩薩 數 供 0 , 眾 分 養 攝 以 受眾 無量 行 ` 如是等諸 喻 法 盡 供 分、 一功德 生 養 供 眾 優 供 養 , 則 波 養 比 得 代 尼 具 法 沙 眾 成 供 , 常為 陀 養 生苦 就 分 供 _ 念功 供 養 供 亦 養 養 如 不及 來 德 0 善男子 勤 0 , 百 修 如 0 是 分 善 修 不 į 何 空界 根 及一 以 諸 行 供 故 養 供 是真 ? 養 千 以 中 不 供 分 諸 捨 , 不 菩 養 如 法 來 及 故 薩 供 尊 養最 0 業 此 重 供 故 法 百 廣 養 , 千 大 故 所 我 , 最 俱 謂 , 此 不 勝 以 胝 離 如 如 供 那 菩 說 說 養 由 修 亦 提 修 他 , 行 N) 虚 行 分 供 供 空界 出 養 養 生 迦 0

念念相 續 無 **流有** 間 斷 身語 意業 , 無有 疲 厭

盡

生

界

生

業

生

煩

惱

盡

我

供

乃

盡

0

而

虚

乃

至

煩

惱

不

可

盡

供

養

無

有

盡

0

菩薩 量 無 復 次 眾 邊 前 0 善男子!言 若 誠 此 惡業 ジ 懺 有 悔 懺 體 悔 後 相 業 不 者 障 復 者 盡 造 虚 菩薩 恆 空 界 住 自 淨 不 念: 戒 能 容 我 受 切 於 功 0 過 德 我 去 今 無 悉 如 始 是 以 劫 清 虚空界 中 淨 三 由 盡 業 貪 瞋 眾 徧 癡 生 於 ア 法 發身 盡 界 極 口 眾 微 意 生 塵 一業 剎 作 盡 諸 , ·惡業 眾 切 生 諸

煩

惱

盡

,

我

懺

乃盡

0

而

虚空界乃至眾生煩惱

不可

盡

故

,

我

此

懺

悔

無有窮盡

0

念念相續

無

有

間

斷

身

佛

無

語意業,無有疲厭。

眾 上菩提 發 所 說 乃 修無 生 至 佛 ジ 煩 剎 復 , 量 塵 為 惱 及 極 次 盡 難 微 般 善 行 我 涅 塵 切 , 苦 男子 槃 数 皆 我 智 行, 此 隨 頭 分布 勤 隨 喜 自手 ! 志求 喜 修 言 舍利 血無有 ·足 。 十 福 隨 無 聚 方 喜 第盡 上正等菩提,廣大 , 三 如 功 , 所 是 不 世 德 有善 惜 者 0 身命 念念相 切 切 根 聲 所 難 行苦 有 聞 我皆隨 經 盡 續 , 行 不 及 法 , 功德,我皆隨喜 界 辟 可 無有 喜 支 圓 說 虚 0 不 空 佛 滿 間 及彼十方 界 可 種 斷 有學 7 說 種 , 佛 波 身語 方 三 羅 剎 _ 0 蜜門 意業 無學 極 世 切 如是虚空界盡 微 世 塵 切 界 , 數 所 證 佛 無 六 有 入 劫 剎 有 趣 種 功 , 疲 四 種菩薩 德 極 厭 生 一、眾 微 劫中 塵 我 生界 切 智地 皆 數 種 隨 諸 盡 類 捨 喜 佛 成 眾 不 所 如 就 可 來 生業 有 諸 說 切 功 佛 從 菩 不 德 盡 薩 無 初 可

覺 說 不 可 復 切菩薩海 說 次 佛 善 剎 男子 ` 會圍 極 ! 微 繞 塵 言 數 請 0 廣 而 轉 我悉以 大 法 佛 輪 剎 者 身口意業 所 有 剎 盡 中 法 , 種 界 念念有 種 虚 方 空界十 便 不 殷 可 方三 勤勸 說 不 世 請轉 可 _ 說 切 妙 佛 佛 法 剎 剎 輪 極 , 微 0 極 如 塵 微 是虚空界盡 數 塵 中 切 諸 佛 各 , 眾 有 成 生界 等正 不 可

盡 眾 生業 盡 ` 眾 生 煩 惱 盡 , 我 常 勸 請 切 諸 佛 轉 正 法 輪 , 無 有 窮 盡 0 念念 相 續 , 無 有 間 斷 , 身 語 意

業 無 有 疲 厭

復 次 ,善男子 ! ·言請佛 住 世 一者 , 所 有 盡法 界虚空界十 方三 世 切 佛 剎 , 極 微 塵 數 諸 佛 如來 將 欲

示 現 般 涅 槃 者 , 及 諸菩薩 ` 聲 聞 ` 緣覺 有 學 無學, 乃 至 _ 切 諸 善 知 識 我 悉勸 請 莫 λ 涅 槃 經 於

勸 請 切 佛 無 剎 有 窮 極 盡 微 塵 念念 數 劫 相 , 續 為 欲 , 利 無 有 樂 間 切 斷 眾 , 生 身 語 0 意業 如 是 虚 空界 無 **然有** 盡 疲 厭 ` 眾 生界 盡 ` 眾 生業 盡 ` 眾 生 煩 惱

0

0

復 次 , 善男子! ·言常隨 佛 學 者 , 如 此 娑婆 世界 毗 盧 遮 那 如 來 , 從 初 發 心 , 精 進 不 退 , 以 不可 說不

可 何 說 況 王 身 命 位 而 , 城 為 布 邑 施 聚 0 落 剝 皮為 • 宮 殿 紙 , 袁 析 骨 林 為筆 ` 切 , 所 刺 有 血 為 , 及 墨 餘 0 書 種 種 寫 難 經 行 典 苦 , 行 積 0 如 乃 須 至 彌 樹 0 下 為 成 重 大 法 菩 故 提 , 不 示 惜 種 身命 種 神

通 起 種 種 變 化 現 種 種 佛 身 處 種 種 眾 會 或 處 切 諸 大菩 薩 眾 會 道 場 , 或 處 聲 聞 及 辟 支 佛 眾 會 道

場 或 處轉 輪 聖 王 ` 小 主 眷屬眾 會道場 , 或 處 剎 利及婆羅 門 ` 長 者 ` 居士眾會道 場 , 乃 至或 處 天 龍 入

盡

我

此

中 部 現 λ 於 人 切 如 涅 來 非 槃 人 0 等眾 皆 如 是 亦 會 如 是 道 切 場 0 , 於 我 0 處 皆 念念中 於 隨 學 如 是 , 我 種 如 皆 今 種 眾 世 隨 尊 學 會 毗 0 , 盧 如 以 是 遮 圓 虚 那 滿 音 空 0 界 如 , 是 盡 如 盡 大 ` 眾 法 雷 界 震 生 虚 ア , 空 隨 盡 界 其 ` 十 眾 樂 生業 方 欲 三 , 成 盡 世 熟 ` 眾 眾 切 佛 生 生 剎 , 煩 乃 所 惱 至 有 盡 示 塵 ,

復 次 善 男子 ! 言 恆 順 眾 生 者 謂 盡 法 界 虚空界十 方 剎 海 所 有 眾 生 種 種 差 别 所 謂 卵 生 胎 生 `

我

此

隨

學

無

有

窮

盡

0

念念

相

續

,

無

有

間

斷

身

語

意業

,

無

有

疲

厭

形 濕 狀 生 種 化 種 生 相 0 或 貌 有 , 種 依 種 於 壽 地 量 水 火 , 種 風 種 而 族 生 類 住 者 , 種 或 種 有 名 號 依 空 , 及 種 種 諸 卉 ら 性 木 而 種 生 種 住 者 知 見 , 種 , 種 種 種 生 欲 類 樂 , 種 , 種 種 種 色 意 身 行 種 , 種 種

種 足 威 儀 四 足 種 種 多足 衣 服 , 種 有 種 色 飲 食 無 色 處 於 有 種 想 種 村 無 營聚落 想 非 城 有 邑宮 想 殿 非 0 無 乃 想 至 0 _ 如 切 是 天 等 龍 類 八 , 部 我 皆 人 於 彼 非 隨 人 順 等 而 轉 無 , 足 種

失 種 道 承 者 事 示 種 其 種 正 供 路 養 0 , 於 如 闇 敬 夜 父 中 母 , , 為 如 作 奉 光 師 明 長 0 及 於 阿 貧窮者 羅 漢 , , 乃 令得 至 如 伏藏 來 竽 0 菩薩 無 有 如是平等 異 0 於 諸 饒 病 益 苦 為 切 眾 作 生 良 醫 何 於 以

生菩提 喜 故?菩 者 薩 心 ; 則 令 若 因 能 菩 隨 切 提 順 如 眾生 來 ジ , 歡 成等 喜 , 則 0 為 正 何 覺 隨 以 0 故 順 譬 ? 供 如 養 諸 曠 諸 佛 野 佛 如 沙 來 0 若 磧 以 之中 於眾生尊 大 悲 , N) 有 而 重 大 為 樹 承 體 事 王 故 , , 0 若 則 因 為尊 根 於 得 眾 重承 水 生 , , 枝 事 而 葉華果悉皆繁茂 如 起 來 大悲; 0 若令眾 因 於 生生歡 大 0 悲 生

死 曠 野 苦提 樹 王 , 亦 復 如 是 切 眾 生 而 為 樹 根 , 諸 佛 菩薩 而 為華 果 0 以 大悲 水 饒 益 眾 生 則 能 成 就

提 諸 屬 佛 於 菩 薩 眾 智 生 慧華 若 無眾 果 0 生 何 以 , 故 ? 切 ·若 菩 諸 薩 菩薩 終 不 能 以 成 大 悲 無 水 上 正 饒 覺。 益 眾 善男子 生 , 則 1 能 成 汝 就 於 阿 此 義 耨 多羅 應 三藐 如 是 **犯三菩提** 解 以 於 故 眾 0 是 生 故 菩 ジ

眾 平 等 生 ァ 故 盡 則 眾 能 生業 成 就 圓滿 盡 ` 眾 大 生 悲;以 煩 惱 大悲 盡 我 心 隨眾 此 隨 順 生 無 故 有 則 窮盡 能 成 念念相 就供 養 續 如 來。 無 菩薩 有 間 匠如是隨 斷 , 身 語 順 意業 眾 生 , 虚 無 空 有 界 疲 盡 厭 0

復 次 善男子 į 言 普 皆 迴 向 者 從 初 禮 拜 乃 至 隨 順 所 有 功 德 皆 悉 迴 向 盡 法 界 虚空 界 切 眾 生

示 願 人天 令眾 涅槃正 生常 得 安樂 路 0 若 諸眾生因其積 無 諸 病 苦 0 欲 行惡法 集諸惡業故 , 皆 悉 所感 不 成 所 切 修善 極 重苦果 業 , 皆 速 我皆代受 成 就 0 關 , 閉 令彼眾生悉得 切 諸 惡 趣 門 解 脫 開

究竟成 就 無 上菩 提 0 菩 薩 如 是 所 修 迴 向 , 虚 空 ア 盡 • 眾 生界 盡 ` 眾 生業盡 • 眾 生 煩 惱 盡 , 我 此 迴 向 無

有 窮 盡 0 念 念 相 續 無 有 間 斷 , 身 語 意 業 , 無 有 疲 厭

善 男子 !是為菩薩 摩 訶 薩 十 種 大 願 具足 圓 滿 若諸菩薩 於 此 大 願 隨 順 趣 入, 則 能 成 熟 切 眾生

則 能 隨 順 阿 耨多羅 三藐 **犯三菩提** , 則 能 成 滿 普賢菩薩 諸 行 願 海 0 是 故 , 善男子! 汝 於 此 義 應 如 是 知 0

若 有善 男子 善女 人 , 以 滿 十 方 無量 無 邊 不 可 說 不 可 說 佛 剎 極 微 塵 數 切 世 界 上 妙 セ 寶 , 及 諸 人 天 最

勝 安 樂 布 施 爾 所 切 世 界 所 有 眾 生 , 供 養 爾 所 _ 切 世 界 諸 佛 菩 薩 , 經 爾 所 佛 剎 極 微 塵 數 劫 , 相 續 不

斷 , 所 得 功 德 0 若 復 有 人 聞 此 願 王 , 經 於 耳 , 所 有 功 德 , 比 前 功 德 , 百 分 不 及 , 千 分 不 及 , 乃

至 優 波 尼 沙 陀 分 亦 不 及 — 0 或 復 有 人 , 以 深 信 ジ , 於 此 大 願 , 受持 ` 讀 誦 , 乃 至 書 寫 四 白 偈 , 速 能

除 滅 五 無 間 業 , 所 有 世 間 身 ら い 竽 病 種 種 苦 惱 乃 至 佛 剎 極 微 塵 數 切 惡業 皆 得 消 除 切 魔 軍

夜 叉 羅 剎 若 鳩 槃荼 • 若 毗 舍 闍 • 若 部 多 筝 飲 血 噉 肉 諸 惡 鬼 神 , 皆 悉 遠 離 或 時 發 ジ 親 近 守 頀 0

是 故 芸若 人 誦 此 願 者 , 行 於 世 間 無 有 障 礙 如 空中月出 於 雲翳 諸 佛菩薩 之所 稱 讚 切 人 天皆應 禮

城 終 友 敬 妙 時 色身 內 , 悉 外 最 能 切 眾 具三 象 後 制 生悉 馬 剎 伏 十 車 那 二 應 乘 切 , 从供 外 大 珍 道 養 丈 切 寶 諸 夫 , 0 伏 悉 此 根 相 善 藏 能 , 0 悉皆 男子 解 若 , 如 脫 生 是 散 人 善 壞 天 切 得 煩 切 , 所 人 無 惱 身 復 在 切 , 親 如 之 , 相 圓 師 處 屬 隨 子 滿 , , 常 悉 普 唯 王 皆 賢 此 摧 居 所 捨 伏 勝 願 有 群 離 王 族 不 獸 功 , 德 悉 相 , 堪 能 捨 0 切 受 不 威 離 破 久 勢 壞 , 當 於 切 , _ 悉皆 眾 如 切 生 普 惡 切 賢 退 供 時 趣 (菩薩 失 養 引 悉 0 導 輔 又 能 其 復 速 遠 相 是 得 前 大 離 人 成 臣 臨 就 切 剎 宮 命 惡 微

竽 那 中 , 此 諸菩薩 即 得 往 生 , 色 極 相 樂 端 世 嚴 界 , 0 功 到 德 己 具 足 即 見 , 所 阿 共 彌 圍 陀 繞 佛 0 其 文 人 殊 自 師 見 利 菩 生蓮華 薩 • 普 中 賢菩 , 蒙 佛 薩 授 ` 記 觀 自 0 得 在 菩 授 薩 記 己 ` 彌 , 勒 經 菩 於 無 薩

場 數 百 降 千 伏 萬 魔 億 軍 那 由 成 他 等 劫 正 覺 普 於 轉 十 妙 方 法 不 輪 可 說 能 不 令、 可 佛 說 剎 世 極 界 微 塵 以 數 智 世 慧力 一界 眾 生 隨 眾 發菩提 生 ら い 而 ら 為 , 利 隨 益 其 根 不 性 久當 教 坐菩 化 成 提 熟 道

乃 人 說 至 盡 所 於 有 未 功 來 德 劫 海 除 佛 廣 世 能 尊 利 益 餘 無 切 知 眾 者 生 0 0 是故 善 男子 汝等聞 į 彼 此 諸 願 眾 王 生 莫 若 生疑 聞 若 念 信 此 應當 大 願 一諦受。 王 受持 受已 讀 能 誦 讀 廣 讀 為

聚 己 無 能 量 誦 無 0 邊 誦 己 0 能 能 於 持 煩 惱 0 乃 大 至 苦 一書寫 海 中 廣 拔 為 濟 眾 人 說 生 0 是諸 令其 人等 出 離 , , 皆 於 得 念中 往 生 , 阿 所 彌 有 陀 行 佛 願 極 樂 , 皆 世 得 界 成 0 __ 就 爾 0 所 盽 獲 普 福

賢菩 薩 摩 訶 薩 欲 重 宣 此 義 普 觀 十 方 , 而 說 偈 言

所 有 十 方 世 界 中 , 三 世 _ 切 人 師 子 我 以 清 淨 身 語 意 , 切 徧 禮 盡 無 餘

普 賢 行 願 威 神 力 普 現 切 如 來 前 身復 現 剎 塵 身 , 徧 禮 剎 塵 佛

各 以 切 音 聲 海 普 出 無 盡 妙 言 辭 盡 於 未 來 切 劫 , 讚 佛 甚 深 功 德 海 0

於

塵

中

塵

數

佛

各

處

菩

薩

眾

會

中

無

盡

法

界

塵

亦

然

,

深

信

諸

佛

皆

充

滿

0

以 諸 最 勝 妙 華 鬘 伎 樂 塗 香 及 傘 蓋 , 如 是最 勝 莊 嚴 具 , 我 以 供 養 諸 如 來 0

最 勝 衣 服 最 勝 香 末 香 燒 香 與 燈 燭 皆 如 妙 高 聚 , 我 悉 供 養 諸 如 來

我 以 廣 大 勝 解 心 深 信 _ 切 三 世 佛 悉 以 普 賢 行 願 力 普 徧 供 養 諸 如 來

我 昔 所 造 諸 惡業 皆 由 無 始 貪瞋 癡 , 從 身語 意 之 所 生 , 切 我 今 懺 悔

十方 切 諸 眾 生 乘 有學及 無 學 , _ 切 如 來 與 菩 薩 , 所 有 功 德 皆 隨 喜

十 方 所 有 世 間 燈 , 最 初 成 就 菩 提 者 我 今 切 皆 勸 請 轉 於 無 上 妙 法 輪 0

諸 佛 若 欲 示 涅 槃 , 我 悉 至 誠 而 勸 請 , 唯 願 久 住 剎 塵 劫 , 利 樂 切 諸 眾 生 0

所 有 禮 讚 供 養 福 , 請 佛 住 世 轉 法 輪 , 隨 喜 懺 悔 諸 善 根 , 迴 向 眾 生 及 佛 道

未 我 來 隨 切 切 如 天 來 人 學 師 , 修習 切 普賢 意 樂 圓 皆 滿 圓 行 滿 我 供 養 願 普 過 去 隨 諸 三 世 如 學 來 , , 及 速 得 與 成 現 就 在 十 大 菩 方 提 佛

所 有 + 方 切 剎 廣 大 清 淨 妙 莊 嚴 眾 會 韋 繞 諸 如 來 , 悉 在 菩 提 樹 王 下

十 方 所 有 諸 眾 生 , 願 離 憂患常 安 樂 獲 得 甚 深 正 法 利 , 滅 除 煩 惱 盡 無 餘 0

我 天 龍 為 菩 夜 提 叉 修 鳩 槃 行 茶 時 乃 至 切 人 趣 中 與 非 成 宿 人 笲 命 常 所 得 有 出 家 切 眾 修 淨 生 戒 語 , , 無 悉 以 垢 諸 無 音 破 無 而 穿 說 法 漏 0 0

勤 修 清 淨 波 羅 蜜 , 恆 不忘失菩提 ジ , 滅 除 障 垢 無有 餘 , 切 妙 行 皆 成 就

於 諸 感業及 魔 境 世 間 道 中 得 解 脫 , 猶 如 蓮 華 不 著 水 , 亦 如 日 月 不 住 空

悉 除 切 惡 道 苦 竽 與 切 群 生 樂 如 是 經 於 剎 塵 劫 , 十 方 利 益 恆 無 盡

我 常 隨 順 諸 眾 生 盡 於 未 來 切 劫 恆 修 普 賢 廣 大 行 , 員 滿 無 上 大 菩 提

所 有 與 我 同 行 者 , 於 — 切 處 同 集 會 身 口 意業 皆 同 竽 , 切 行 願 同 修 學

所 有 益 我 善 知 識 為 我 顯 示 普 賢 行 常 願 與 我 同 集 會 , 於 我 常 生 歡 喜 じ 0

願 持 諸 佛 微 妙 法 光 顯 切 菩 提 行 究竟清 淨 普 賢 道 , 盡 未 來 劫 常 修 習

願

常

面

見

諸

如

來

及

諸

佛

子

眾

圍

繞

於

彼

皆

興

廣

大

供

,

盡

未

來

劫

無

疲

厭

0

我 於 切 諸 有 中 所 修 福 智 恆 無 盡 , 定 慧 方 便 及 解 脫 , 獲 諸 無 盡 功 德 藏 0

普 盡 塵 十 中 方 有 諸 塵 剎 數 海 剎 , 毛 剎 端 有 三 難 思 世 海 佛 佛 海 佛 及 處 與 眾 國 會 土 海 中 , 我 我 徧 見 修 恆 行 演 菩 經 劫 提 海 行

0

,

切 如 來 語 清 淨 言具眾音聲 海 隨 諸 眾 生意樂音 , 流 佛 辩 才 海

三 世 _ 切 諸 如 來 於 彼 無 盡 語 言 海 , 恆 轉 理 趣 妙 法 輪 , 我 深 智 力 普 能 λ 0

我 能 深 入 於 未 來 盡 _ 切 劫 為 念 \equiv 世 所 有 切 劫 , 為 念 際 我 皆 入 0

我 於 念 見 三 世 , 所 有 — 切 人 師 子 亦 常常 入 佛 境 界 中 , 如 幻 解 脫 及 威 力 0

於 毛 端 極 微 中 出 現 三 世 莊 嚴 剎 十 方 塵 剎 諸 毛 端 , 我 皆 深 λ 而 嚴 淨 0

所 有 未 來 照 世 燈 成 道 轉 法 悟 群 有 究 竟 佛 事 示 涅 槃 , 我 皆 往 詣 而 親 近 0

徧 淨 莊 嚴 勝 福 力 無 著 無 依 智 慧 力 定 慧 方 便 威 神 力 , 普 能 積 集 菩 提 力

速

疾

周

徧

神

通

力

普

門

徧

入

大

乘

力

智

行

普

修

功

德

力

威

神

普

覆

大

慈

力

清 淨 切 善 業 力 摧 滅 _ 切 煩 惱 力 降 伏 _ 切 諸 魔 力 , 圓 滿 普 賢 諸 行 力 0

普 普 能 能 清 嚴 淨 淨 諸 諸 剎 行 海 海 員 解 滿 脫 切 切 眾 諸 生 願 海 海 善 親 能 近 供 分 養 别 諸 諸 佛 法 海 海 , , 修 能 甚 行 深 無 倦 λ 智 經 劫 慧 海 海

三 世 切 諸 如 來 最 勝菩 提 諸 行 願 我 皆 供 養 員 滿 修 , 以 普 賢 行 悟 菩提

切 如 來有 長子 彼 名 號 日 普 賢 尊 我 今迴 向 諸 善 根 , 願 諸 智 行 悉 同 彼

願 身 口 意 恆 清 淨 諸 行 剎 土 亦 復 然 , 如 是 智 慧 號 普 賢 , 願 我 與 彼 皆 同 竽

我 為 徧 淨 普 賢 行 文 殊 師 利 諸 大 願 , 滿 彼 事 業 盡 無 餘 , 未 來 際 劫 恆 無 倦 0

我 所 修 行 無 有 量 獲 得 無量 諸 功 德 , 安 住 無 量 諸 行 中 , 了 達 切 神 通 力

文 殊 師 利 勇 猛 智 , 普賢 慧 行 亦 復 然 , 我 今 迴 向 諸 善 根 , 隨 彼 切 常 修 學

三

世

諸

佛

所

稱

歎

,

如

是

最

勝

諸

大

願

,

我

今

迴

向

諸

善

根

,

為

得

普

賢

殊

勝

行

0

願 我 臨 欲 命 終 時 , 盡 除 _ 切 諸 障 礙 , 面 見 彼 佛 阿 彌 陀 , 即 得 往 生 安 樂 剎 0

我 既 往 生 彼 或 己 現 前 成 就 此 大 願 , _ 切 圓 滿 盡 無 餘 , 利 樂 切 眾 生界

彼 佛 眾 會 咸 清 淨 我 時 於 勝 蓮 華 生 , 親 睹 如 來 無 量 光 , 現 前 授 我 菩 提 記

乃 蒙 至 彼 虚 如 空 來 世 授 界 記 盡 己 眾 化 生 身 及 無 業 數 煩 百 惱 俱 盡 胝 , , 如 智 是 力 廣 切 大 無 徧 盡 十 時 方 , , 我 普 願 利 究 竟 切 恆 眾 無 生 盡

十方 所 有 無 邊 剎 , 莊 嚴眾 寶 供 如 來 最 勝 安 樂 施 天 人 , 經 切 剎 微 塵 劫 0

若 人 於 此 勝 願 王 , 經 於 耳 能 生 信 求 勝 菩 提 ら 渴 仰 , 獲 勝 功 德 過 於 彼 0

即 常 遠 離 惡 知 識 , 永 離 切 諸 惡道 速 見 如 來 無 量 光 , 具 此 普 賢最 勝 願 0

此 人 善 得 勝 壽 命 此 人 善來 人 中 生 , 此 人 不 久當 成 就 , 如 彼 普 賢菩 薩 行

往 昔 由 無智 慧 力 所 造 極 惡 五 無 間 誦 此 普 賢 大 願 王 , 念速 疾 皆 消 滅

族 姓 種 類 及 容 色 相 好 智 慧 咸 圓 滿 諸 魔 外 道 不 能 摧 , 堪 為 三 界 所 應 供 0

速 詣 菩 提 大 樹 王 , 坐 己 降 伏 諸 魔 眾 成 等 正 覺 轉 法 輪 , 普 利 切 諸 含 識 0

人 於 此 普 賢 願 讀 誦 受持 及 演 說 , 果 報 唯 佛 能 證 知 , 決 定 獲 勝 菩 提 道 0

若

若 人 誦 此 普 賢 願 我 說 少 分 之善 根 念 切 悉 12皆 員 , 成 就 眾 生 清 淨 願 0

我 此 普 賢 殊 勝 行 無 邊 勝 福 皆 迴 向 普 願 沈 溺 諸 眾 生 , 速 往 無 量 光 佛 剎 0

爾 時 普賢菩薩摩 訶 薩 於 如 來 前 , 說 此 普賢廣大 願 王 清 淨 偈 已 善財 童子 踊 躍 無量 , — 切菩薩

皆

大 歡 喜 0 如 來 讚言: 「善哉!善哉!」 而 爾 時 , 世 尊 與 諸聖者菩薩 丘 摩 訶 薩 演 說 如 是不 可 思議 解 脫 境 界 勝

法

門

時

文

殊

師

利

菩

薩

為

上 首

,

諸

大

菩

薩

及

所

成

熟

六

千

比

0

彌

勒

菩

薩

而

為

上

首

,

賢

劫

切

諸

大

菩

薩 0 無 垢 普賢菩 薩 而 為 上 首 生 補 處 住 灌 頂 位 諸 大菩 薩 , 及 餘 十 方 種 種 世 界 普來 集 會 切 剎 海 極 微

塵 數 諸 '菩薩 摩 訶 薩 眾 0 大 智 舍 利 弗 ` 摩 訶 目 犍 連 等 , 而 為 上首 諸 大 聲 聞 並 諸 人 天 切 世 主 天

龍 ` 夜 叉 ` 乾 闥 婆 ` 阿 修 羅 迦 樓 羅 ` 緊 那 羅 ` 摩 睺 羅 伽 人 ` 非 人 等 , — 切 大 眾 , 闡 佛 所 說 皆大

歡 喜 , 信 受 奉 行